



Inatsisartuni ilaasortaq, Finn Karlsen, ATASSUT

### § 36 naapertorlugu apeqqummut, 26. november 2009-meersumut akissut

7. december 2009  
Sagsnr. 2009-023250  
Dok. Nr. 273199

Asasara Finn Karlsen,

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@gh.gl  
www.nanoq.gl

Una pillugu apeqqutinnut qujanaq: "Gassinik silaannarmik kissatsitsisartunik aniatitsineq annikillisarnerlugu sunniiniutissat pillugit nassuiaat"-ip Inatsisartunit oqaluserineqarnera malitseqartillugu apeqqutit. Apeqquteqarninni Naalakkersuisunut siulittaasup tulliaata nassuiaammik matuma siuliani taaneqartumik novembarip ulluisa 17-anni saqqummiussinermini oqaaseqaatai innersuussutigaaatit. Uanga naalakkersuinikkut silap pissusaa pillugu Kalaallit Nunaata Danmarkimut isumaqatigiissusiassap isumaqatiginninniutigineqarneranut akisussaasuugama, apeqqutitit ataasiakkaarlugit akissuteqarfigissavakka.

#### **Apeqqut 1: Qanoq paasisariaqarpa "ingerlalluarput" aammalu: "anersaaq ajorpallaanngitsoq?"**

*Akissut:* Naalakkersuisunut siulittaasup tulliaata akissutaa paasineqassaaq, silap pissusaa pillugu isumaqatigiissussiornissamut Kalaallit Nunaata periarfissai pillugit Danmarki pitsaasumik oqaloqatigigippat. Danmark suleqatigalugu aaqqiissutissanik aalajangersimasunik, suliffissuaqarnermik ineriartortitsinissarput eqqunngikkaluarlugu Kalaallit Nunaata nunarsuaq tamakkerlugu silap pissusaanut isumaqatigiissusiassamut ilaatinneqarnissaanut periarfissiisunik misissuivugut. Ilassutigaluguli oqaatigineqassaaq isumaqatiginninniarnarit suli ingerlammata, taamaattumillu taakkua qanoq inerneqarnissaat ilisimannginnatsigu. Soorunalimi akornatsinni isumaqatigiinnigissuteqarpugut taakkuli qaangerniartussaavagut.

#### **Apeqqut 2: COP 15-ip naammassinissaa utaqqissavarput Qallunaallu isumaqatigiinnissamut?**

*Akissut:* Danmarkimit nalunaarutigineqarpoq. Nunat tamat akornanni isumaqatigiissuteqartoqartinnagu Kalaallit Nunaat isumaqatigiissuteqarfigineqarsinnaanngitsoq. Uagulli sulissutigivarput isumaqatigiinninniarnivut naammassiniassallugit COP15 qaangiutsinnagu.

**Apeqquut 3: Qanoq paasisariaqarpa ”imaasinnaasoq ilaatigut akilersinnaasoq Nunatsinni suliffiit annertuut, soorlu aluminiummik aatsitsivik inississallugu nunatsinnut. “imaasinnaavoq” qanoq tamanna paasisariaqarpa?**

*Akissut:* Maniitsumi aluminiumik aatsiterivissatut pilersaarutigineqartoq erngup nukinganik innaallagissiorfimmit innaallagissamik pilersorneqassaaq. Taamaattumik aluminiumik aatsiteriviup erngup nukinganik innaallagissiorfimmit pilersorneqartup ikummatissat nunap iluaneersut tunngavigalugit aluminiumik tunisassiornermik annikillissinnaaguniuk, tamanna nunarsuarmi silap pissusaa tamaat isigalugu iluaqutaasussaavoq. Kisianni aluminiumik aatsiterivik erngup nukinga atorlugu innaallagissersorneqaraluarpalluunniit, tunisassiornermi gassinik silaannarmik kissatsitsisartunik aniatitsineq annertuserujussuartaasussaavoq. Sanaartornerpiaq aamma gassinik silaannarmik kissatsitsisartunik aniatitsineramik annertusititseqataasussaavoq.

Kalaallit Nunaanni aatsiterivimmik pilersitsinermi aatsiterivimmut tassangaanniillu assartuineq annertusissaaq, taamatullu aningaasaqarnikkut suliat annertusissallutik. Misilittakkat tamarmiusut malillugit aningaasaqarnikkut suliat annertusinerat gassinik silaannarmik kissatsitsisartunik aniatitsineq annertusisarpoq, atugarissaarnerulernerup ilutigisaanik assersuutigalugu biilnik atortunillu innaallagiamoortunik atuineq annertusisarmat. Tassalu suliffinnik angisuunik, nukimmik annertuumik pisariaqartitsisunik Kalaallit Nunaanni pilersitsisoqassappat, tamanna CO<sub>2</sub> eqqarsaatigalugu silap pissusaanut akilersinnaanersoq pillugu isumaliuteqarnermi pissutsit eqqarsaatigisassat amerlapput.

Apeqquutit imminut akilersinnaassutsimut tunngassuteqartut nalilersuiffiginerini isiginiagassaassaaq kalaallit inuiaqatigiit suliniummut taamak ittumut aningaasaliissagaluarunik iluanaaruteqarsinnaanissaat.

**Apeqquut 4: Ersarissumik paaserusuppara sunaana Qallunaat Naalackersuisuisa isumaqatigiiniarnissini taama malartaasissutigitigigaat? Imaappa Kalaallit nunaat CO<sub>2</sub>-mik aniatsitsinermit annikillisaanissamik atsioreersimanera peqquataasoq?**

*Akissut:* Qallunaat naalackersuisuisa Kalaallit Nunaannut silap pissusaanut isumaqatigiissusiassamut nutaamut isumaqatigininniarnitsinnut atatillugu qallunaat nalunaaruteqarnissamut iliuuserisassai ilisimangilakka. Matumani pissutsit tamakku pillugit eqqoriaasaqattaarniaruma isumaliutaaginnartussaapput.

Inussiarnersumik inuulluaqqusilluta

Kuupik Kleist